



門九¹²³
號 991
卷 1



關赤城先生著



雲遊後錄

享和改元
辛酉新鐫

千鍾房發行



雲遊後錄序



余涉冥子行年未滿之紀以
善於十策之乞解經外
有三禮名物係其論文具
以左氏朱墨外其國策
文勢史記文法毒淫助字

何法去及赤城集如平卷
性又每記山臨水之極之必
記之其言景深流記之
翔之矣讀之如如拉之秘去
親與福其地出又取神位
注為極夷風古已集按日

記極城記之其遊前及錄
是也其錄之極之錄年述
發而所其出矣嗟為如之
以書乃以玉清之書而籍極
唯之不四其極志也其并
子乃覺極而極就年善為

曰身已至極去身何者且家
之猖狂者紀侯而隆己而家
之之國也極以而城之之山
易而而地為及錄亦是子
成頃在諸身子請行一據
其以若速冥子不許曰又

以如西母息各其又之正於
不極於家之之所之何善
亦大在科之其又皆之素
當之強之人蘇諸身子雅
固請而不其見以之集據
日記已授授壽嗣氏之有

故不采年竹之不能解柱
乃堪通而亦以錄不翅釋
諸子之憾亦以年素城山
之有光之新也一矣子翫曰此
後何以每也為生之可耶
每出於途之人為其文邪

古人之貌亦有所接台後止年
強之身不向已於年生生稿
而後之亦嘗覽名山勝景
記及西湖志而重之也圖乃
最重漢學為且信來文也
也其不逮刻來并子信

而便道歸鄉使其操作於母前及見故舊而叙契濶焉其為得意豈特吾而已哉

九月小盡起程晨過秋丈萬夫而饌焉萬夫使其姪仲久子默及塾生青信卿松子寬等送滕國基峽明卿山玄石亦至過別田子復子復在公不遇會其父子民新自鄉來頗悉鄉事但交一臂輒失之為可恨矣乃偕訪櫛虛中虛中為具一筵久之辭去子民虛中送到

本鄉辭而還之及秋家諸生與峽山兩生金晉助櫛司馬跡抵板橋驛猶欲送抵戶田津余固辭酒之乃別按野史源大將軍賴朝已畧房總帥東八州兵次于板橋則當時已為驛歟練馬村在左走河越道也文明中長尾景春叛上杉氏據鉢形城其黨豐島某在練馬城絕江戶河越援路即此迫暝宿蕨驛土人云東有蕨氏墟蓋澀川武州義行所居古

河公成氏之叛也其孫義鏡奉室町氏之命
來督關東軍事蓋亦處此

十月初一日五十里抵上尾驛永祿五年北越
宇定勝戰死之處先是二年定勝與其父駿
州在信之野尻城伐善光寺主事栗田永壽
俘如來而還永壽哀訴割地易之亦七月十
日即戰死之日也世俗傳以為冥譴云宿熊

谷驛

初二日午飯本莊驛往時本莊氏所居所謂兒
玉黨武州七黨之一也晡時宿御靈驛彌水
烏川相會處有關臨彌水即御靈渡也武田
機山嘗渡此攻殿梁城上流有玉村北條氏
直與瀧川一益戰處見民屋沒土中僅見其
危云是淺間之變泥沙所埋也

初三日宿溝綾

初四日午牌抵榛下驛正先民石子讓金子貫

移庖來迎相見驩甚余屬有心疾不能飲是日也幾爲子讓敵手二豎豈畏故人而逃乎久之家第輩亦來譟而行殆若晉人得士會未牌拜親喜知於顏色既言及王母不待唯
有淚耳夜粟原子俊高橋子亮來見

初五日至初七日日與親友周旋酣噓諧謔每若狂焉正金石三子所在必逐臭余戲之曰三君於余正金石之交矣咸以爲佳謔

初八日已牌發家正金石諸子亦齎具出餞途訪子民氏義長氏熊司氏皆設離筵日昃抵月夜野與諸子別皆被酒不記作何狀一睡抵中山驛下轎已黃昏矣


初九日雨蚤起無聊思鄉里歡樂反增呻呼豈不役夫之憂哉日昃抵中條訪圓山生命謙賃驛馬抵山田村要源丈子孝會于逆旅乃拉圓山生偕抵原町宿暝子孝冒雨至醉談

雲遊錄
至半夜

初十日與二子別抵鄉原村左有狩宿關道東都至此余客歲所遊踐也右出大篠關一百餘里吾孀水由峽間行殆若一大石渠兩山峻極兩岸深峭俯臨不見水徒聞激湍喧聒之聲山益逼岸徑不盈足則爲棧閣於是下視巨壑百仞連于兩山悉皆爲一片大石其水奔壯憑怒揚濤飛沫宛如白龍劈山而走

矣豈其洪荒之初水穿土壤漸化成石耶否則焉得鑿開如此哉因詠杜老石與厚地裂微徑緣秋毫歎其指意之妙過此峭壁奇削方者圓者如門如堂似壘壁似屏障泉流往往懸焉或貼崖成瀑布或噴空如掛簾或離合倚垂髮鬚珮璫矣又不翅其勝如其用武乎一夫執梃萬夫不能前宜乎峽主之霸東方也以本郡及駿久能峽巖殿爲三窟云久


吾孀水



雲遊仙錄卷一

龍水原驥圖

圖



雲遊仙錄卷一

五下

能則不知巖殿何得比肩後主之奔真田房
州勸保本郡後主不聽遂走巖殿所謂懷肉
當餓虎實千古之恨矣午飯瓦畠村對岸有
溫泉名曰瓦湯川中湯亦在近山中渡須川
卽草津溫泉下流也本郡出湯泉數十百所
而草津爲最每夏月來浴者不下數千余所
親覩也羽尾村石中出木柿始出不甚真久
如石云又聞赤羽村有水簾其勝一路所無

暝故不能探宿中井村蓋二鼓矣

十一日曉發十里抵西窪村渡一水聞之上流
有萬坐溫泉山多硫黃歲出數萬斤其地在
草津西東北曰入山村山徑達信之澀湯六
十里而近險隘唯通人牛耳又十里抵大篠
驛訪郵丞黑岩氏爲具酒脯有子孝之書也
庭上有溫泉云淺間變後始發之焦石間其
地距此十餘里設覓取之故不能熱關口有

雲遊後錄卷一
深澗陡絕如削乃吾孀水也發源華表嶺故
又曰華表川進入嶺道左見淺間山於咫尺
矣方今高山多積雪淺間則否以其有火焰
也十里過田代村又十里嶺分兩道左名華
表右呼仁禮其山毛人號吾孀信人稱四阿
分屬二州上有白山祠華表嶺卽其華表所
在也已入仁禮嶺飄風砭肌雲霧隨之往來
無常觀其所自草木忽白非雪非霜積至寸

餘其高涼可知矣西眺戶隱明光諸山經互
走乎西南蓋岐蘇層峰積雪玲瓏與天日相
射正南望一山尤歲嶽蓋峽八岳也左右山
谷稍闢遂見平楚南少西爲真田上田西爲
水內郡千隈水如匹練卽所謂河中四郡峽
越戰爭之地也保科在嶺西卽保科氏所出
東鑑作穗科云驛妓有訟于鎌倉則當時爲
通道也晚抵仁禮驛

十二日早發行未幾道右見壘址須阪在其西
云自是入昨所望平野群山環之者益近可
辨戶隱之北曰飯綱山曰戶隱後山曰燒山
曰黑姬曰明光圓廬山在西少北形如車蓋
飯山城在其下其東呼高榛山千隈水逕其
間焉其夷陸則松代飯山須阪之地犬牙錯
置南接上田小諸昔時旭將軍根據于此遂
滅平氏至天文永祿之際峽越兩主一飯未

嘗忘爭其地其襟帶可知矣久之過井上村
井上氏爲信著姓旭將軍之舉兵井上光盛
爲僞兵敗城長茂至武田氏取本郡井上清
政出奔北越蓋其裔也高梨市川綱島諸村
皆在旁近地其信中豪族所居處二十五里
過福島渡布野津津上卽犀水與千隈水相
會處所謂河中島卽此壽永元年城長茂敗
績于橫田水濱亦在其南云朝霧蔽地不辨

咫尺聞秋冬之交每常如此因想永祿四年
上杉氏乘朝霧壓峽軍峽人不知亦九月善
光寺在西南數十里為貪前路不往也抵長
沼永祿中武田機山使馬場信房城焉以與
貝津為唇齒貝津即高阪昌信所守今松代
城是也過神代復入阪路東見笠山聞是走
毛嶺道平出村有壘跡名曰髻山室飯驛亦
見城址相傳高阪氏居之蓋妄矣初更宿栢

原驛聞東北有芋川故城逆旅主人乃芋川
越州之苗裔也云


十三日風雪寒甚十里抵野尻驛有墟枕瀦水
即宇駿州定行所居守初上杉霜臺忘其姊
夫長尾政景一曰義景欲殺之宇氏諫之不聽恐
其及亂詳招政景觀魚者因抱政景共沈瀦
水謬如風狂之為宇氏於是乎不祀云嗟乎
殺身為君古人多有但至棄名覆宗而不顧

則獨何其苦節之貞也乃賦一絕弔之去關
川信越分界之所因關得名東有熊阪山源
征夷伐岐蘇氏處也三十里抵關山中間有
三大磬所謂大小田切及二股皆北越要塞
矣土人云小田切越將諏訪隼人所戍爲武
田氏所拔無非野史所謂鰐岳城乎大田切
甘糟景持設奇兵敗森武州處過此山勢稍
緩散渡片貝川過二本木藤澤野史載北越

盜藤澤某爲源義經所斬蓋本地人也右見
孤山其頂壘壁餘基尚存土人云是城祐長
之墟按城氏故城在魚沼郡與我鄉接壤據
東鑑魚沼郡似是但陝隘可疑豈其隨盛衰
有遷徙耶又按鮫尾城跡當在此間上杉景
虎自刃之處也

十四日未明發荒井行數里抵田中村土人云
雪榛蒙箕別所御殿諸城址及北城村皆近

回馬
落水



龍水原驛圖
圖



雲遊後集卷

十下

雲遊後集卷

馬村豈北城氏所食耶御殿疑是野史所稱
御館上杉霜臺置義父憲政處也二十五里
抵高田衢市頗寬整比屋閉戶垂席開陳貨
物者十不能一但因揭招牌乃知商賈之家
耳冬春之交積雪沒屋宇故如之云東少北
見米山次北椎谷山次北彌彥山交加累積
入于北溟矣野史稱霜臺甫八歲登米山觀
府城既有吞國之志矣椎谷則霜臺父爲景

敗上杉顯定處聞泰塚故城及梯碕村近是
梯碕氏亦越名族也諸山之東遙見兩雪山
云是會津之山其南蓋金城八海諸山南鄰
我鄉土人曰自高田至妻有山路二日行如
由栢碕則三日行自妻有越三州嶺而至吾
鄉又三日程迂矣而霜臺每由是路入毛州
蓋以其與敵國懸絕也今町在西北數十里
馬頭劇地也濱海曰直江浦野史載源廷尉

雲邊後錄卷一
奔竄畏於此遂乘舟至寺泊又曰國府直江
浦花園觀音八幡公命直江二郎建之其人
豈直江兼續之祖乎府城舊地今日福島在
今町東云十里抵中邸驛後山曰春日山上
杉氏於斯創霸朝基址猶新下有林泉寺霜
臺幼時讀書於此右有三分一村上杉定憲
爲爲景所擊破處共見野史又十里抵五地
村地在海岸積水浩汗與天無際是日陰翳

不得見能州及佐渡島也有五地如來往時
回祿今僅改造一軀耳佛亦不免火宅乎又
有祀典所載居田祠及親鸞上人遺跡聞自
是至市振驛百八十里呼曰山下道皆在山
海間如有風波不能行征客所忌焉又聞此
間五十年前山岸崩摧廬舍人畜皆沒于海
故道今在洋中矣使人吐舌已踰青木阪絕
壁百丈屏海如牆間垂瀑水曰鍋浦曰鳥首

亦奇所也過名立驛日已暮矣尚進取路行
十許里忽大風雨雹砂礫撲面吼濤動地聳
山遽還宿筒石村漁家

十五日禺中冒風雹發怒浪逼岸不可行二十
里宿能生驛有白山祠蓋義經記所載也山
皆詭石怪木審視之樹根盡纏繞石上而生
蟠曲可喜其樹多檉山茶桃葉珊瑚之屬沿
岸惡石桀挺與洪濤爭勢云是往年山碕破

裂隊去海者

十六日晏發風未濟渡能生川踰一險名曰鬼
伏久之渡早川燒山在其上流可兄明光聞
溪間有故砦曰宮平三十五里抵絲魚川俟
國也圓陵先公嘗徙封于此東南有清碕城
址蓋當初越將丸田豆州所成焉地始陂陀
宮以群山東為鉞岳次西為赤倉為烏帽為
離鞍為天飾為駒若騎鞍若戶倉若大所若


蓮花若黑姬張于南歛于西南正西之山斗
入海則爲中越之宮碕聞蓮花山出銀最高
峯名明星四時有雪也絲魚川東有大和川
西有姬川姬川頗大其水湍激可畏航渡之
航數系兩索一人在岸執一索一人湯漿絕流
稍近岸則取一索投之對岸之人受而引之
航乃得到岸危甚矣余嘗渡峽中早川其操
舟亦似之然彼則舟子在兩岸相汲引尚爲

可恃耳聞水上路達信松本入飛州者亦由
此過青海驛峭壁突起挿空名曰倒駒云是
勝山故城其下懸崖削成高數丈而長數里
潮波漱濯奇麗如琢有水簾落滲沙中不見
下流奇甚是稱落水野史載天正中豐公已
取富山遂從石三成等數十人僞稱使者來
見越守將須賀修理明言來意修理圍守之
請命上杉黃門黃門時杜絲魚川驟來相見


遂約和而去豐公之服豪傑多通脫如此者
處之不疑又未嘗困阨此所謂天授非人力
也乃茲崖踏濕沙行已而巨石崩墜離列驚
濤激薄跳沫如雪亦可數里呼曰回馬乃回
馬賃人夫馱行李蛇行上下避浪而行晡時
抵宇多驛前路有不知親之險因宿

十七日風止天晴五更戴月而發過外浪驛抵
風波村村在石罅僅僅數家然阻風者時時
宿留此云自是以往呼曰不知親峭崖奇秀
奔濤衝激行人必備鄉導候間走過濤來避
巖突去輒復走方其走也數武遲速其害不
測故乘先脫險不知父子因以爲自其間可
里餘巖有五突最深者不過數步濤猛則不
可保矣故行人抵風波村風波稍惡則由山
徑行嶮巖殊甚且其地信越高山餘脈逼海
處遭波濤壯旁近左右無所不襄陵不能復

不知親



芙蓉水壑
不
田



卷之二

十五下

卷之二

雲遊後錄卷一
取山徑矣。蓋秋冬潮水常怒，洶湧呀呷，無風自波如風，有力波如丘山，道路爲淵。然至春夏，海平有不知其險者，云嗟乎！勝母九折，孝子所惡，吾非有王尊之節，徒爲快目。涉此危地，實名教之罪人哉！去抵市振驛，上杉定實敗，長尾爲景，處有界川可亞，姬川中後兩越分水爲界，亡何過宮碕，有墟益木，中書所據也。午飯泊驛，從此出平野，眺望始暢，左取愛

本橋過少栗，故城是爲大路，頗迂回，云乃取捷徑，涉尾水橫山三水，抵入膳驛，蓋入膳行重所居也。又涉黑部水，水不甚多，而派流縷分，亘十餘里，故自古號稱四十八瀨，蓋擬涪州四十八渡水也。愛本橋在上流十許里，宛虹之勢，鬚鬚若見，蓋其高危甲于海內。云過三日，市渡布施片貝，兩水天神山，故城擁其上游，相傳長尾爲景戰死於此，野史以爲旗

檀野其名今亡矣東南望立山群竦巖巖不
知其幾峯而其可辨者唯淨土峯劔峯別峯
耳定昏抵魚津其城故畠山氏之臣鈴木國
重所居永正二年長尾爲景數殺之天文七
年爲景敗死于旃檀野弘治元年霜臺攻魚
津殺守將板屋政廣元龜二年又攻拔之走
椎名泰種亦父讐也因置川田長親鎮撫中
越天正十年織田公已滅峽遂欲取兩越使

柴田佐佐等圍魚津城上杉黃門陳天神山
救之時森武州等亦入北越黃門旋師從之
喻城中令去川田長親吉江織部等十三人
守義不從及城將陷皆記姓名於簡繫耳而
自刃實六月二日也是日織田公弒于京師
不出數日其將皆聞喪而去聞者皆惜川田
等之死云鹿熊故城在南十里椎名泰種所
處

十八日蚤發渡門川早月川抵滑川驛相傳有
蜷川親政故宅按野史滑川守將袋兼久石
瀨守將赤川久次皆爲長尾爲景所殺豐公
之伐佐佐氏也陽張聲勢栗殼嶺陰自將舟
師自能州至此進攻富山成政畏栗殼兵不
虞舟師力屈輿觀亦見野史土人云常光寺
枿澤故砦皆在南山下土肥氏所據處大巖
寺亦不遠有奇巖僧行基就雕不動像頗勝

旣也過水橋驛渡常願川久之抵石瀨渡卽
和歌者流所詠源廷尉過如意渡爲舟人所
詰意者此間矣其水名神通深廣冠諸水富
山城在上流有浮橋編舟百許爲之云南少
西見雪山如車蓋豈其白山耶抵小杉驛放
生津社北天文七年長尾爲景拔其城殺亞
相藤實規等卽畠山種長姪避亂來寓者又
渡大門川蓋地之多川水以余所觀則中越

爲最山壑之深邃可知定昏宿高岡昔時益
木中書據此數與上杉霜臺戰後遂納降霜
臺卒又降佐佐氏守宮碕城終爲上杉黃門
所滅云聞之北十里有守山故城佐佐成政
嘗居此水見浦在其北旭將軍放馬測海水
深淺卽此有多胡島本州刺史大伴家持所
詠也又聞東十里有大閣山有墳十一名曰
斬首塚豈豐大閣之所築耶

十九日渡莊水過福岡新邸諸村南有木舟村
蓋神保長純所居木舟故城也渡小矢部川
抵今石動驛亦有城址出驛行少許道右見
埴生八幡祠昔時旭將軍次于此使記室僧
覺明爲祝辭禱勝焉其書今尚存云自是上
栗殼嶺卽旭將軍坑西兵七萬處也時風雪
大至余畏寒如虎轎中蒙衣瞑坐而過轎夫
語曰此爲猿王調馬場乃加越分界之所又

曰此爲源氏峯此爲不動祠此爲單騎徑皆古戰場也余直爲耳不爲目過竹橋驛古昔源廷尉所宿也風益猛折行松大數抱者不可復進矣宿津幡驛聞富樫氏舊居不遠其家世主方面長亨中爲一向賊所滅

二十日風雪未歇天明發津幡道左小山旁午朝日松根一条寺壘跡皆在其間云午饋金澤卽前田侯所國北陸一大都會也按野史

其地本名尾山若林勝盛所據天正二年爲上杉氏所拔後織田公以其地封佐盛政至豐公滅柴田氏始賜前田侯云二十餘里抵松任驛天正三年上杉霜臺攻蕪木某于此時織田公伐朝倉氏餘黨在南越以衆五萬救之至小松御幸塚霜臺已拔松任斬蕪木使送其首曰詰朝請借一織田公僞許諾夜逃南越北將欲逐之霜臺不許已而果聞其

有伏云宿栢野驛

二十一日手取川漲水島津不可濟乃下十五里由元吉港渡川發源白山爲本州大水矣午饒小松驛坊市甚整肅其城天正之初屬上杉氏後織田公賜丹羽侯焉四面皆沮澤東有石橋長四五十武礎極工其石縹而澤產南越石溪云出驛未遠道左有多太八幡祠刻石云旭將軍書及齋藤實盛甲冑有

馬平語亦載將軍獻邑事也十里抵今江村右有別浦廻沚甚深海口曰安宅聞故關址今在洋中三十里巨石見水面卽此也西見沙丘松樹蒼鬱云是篠原壽永二年旭將軍破平惟盛處有齋藤實盛墳及洗首水又聞南十里有那谷寺似石山寺之勝焉過作見驛始見白山于南峯巒雄秀積雪如玉古歌謂白山之名得之於雪信矣宿大聖驛勝國

時山口氏所居處

二十二日始晴大聖以往阪路坎坷過立花驛
入南越之境四望皆沙山松樹森萃絕無雜
木曲浦遶回隱見其間北望瀕海煙戶榛薄
幽然如畫地名吉碕十里抵細綾驛二十里
午飯金津加人井上某脫源廷尉處也朝倉
氏時溝江河州宰于此云又二十里晡時入

圓陵城

雲游後錄卷一

